

五代史記纂誤補

下

毀

五
天
地
人
物
志

五代史記纂誤補卷第三

歸安 吳 蘭庭

死節傳

王彥章

王彥章字子明鄆州壽昌人也

謹按唐書地理志鄆州有壽張縣無壽昌縣歐陽公
王彥章畫像記亦作壽張人此誤

是時晉已盡有河北

謹按時黎陽尙爲梁守晉未能盡有河北此語未核

裴約

顧符存審曰

謹按薛史莊宗紀是年三月以李存審

即符存審爲幽州

節度使八月梁人陷澤州而遣救澤州者則李紹斌也裴約傳同此作符存審誤

死事傳

張源德

晉軍攻破洺州而衛州刺史來昭邢州節度使閻寶皆以城降晉

謹按唐紀來昭作米昭薛史同此誤

張敬達

徙鎮武信晉昌

謹按通鑑注云明宗置武信軍於遂尋爲孟知祥所陷晉始改長安爲晉昌軍通鑑前書敬達自建雄節度代敬瑭建雄軍晉州也歐史誤以爲晉昌又不知武信緣何而誤攷薛史本傳清泰中自彭門移鎮平陽彭門武寧軍也此傳不言鎮武寧則武信當是武寧之誤若敬達之爲建雄節度已見唐紀清泰三年

固顯以晉州誤晉昌也

王清

開運二年冬從杜重威戰陽城清以力戰功爲步軍之
最加檢校司徒是冬重威軍中渡橋南

謹按本紀杜重威戰陽城在二年三月又紀及杜重
威皇甫遇張彥澤等傳重威軍中渡在開運三年此
俱誤

史彥超

周漢戰高平彥超爲前鋒先登陷陣以功拜感德軍節

度使

謹按五代無感德軍宋之感德軍在耀州攷薛史世宗紀作華州節度使華州鎮國軍也此誤

孫晟

因畱使者不遣而攻壽州益急

謹按馬氏南唐書劉仁贍傳陸氏書孫忌

卽孫晟

傳俱

載晟於壽州城下呼仁贍以死守語此大事也此闕不著而仁贍傳亦略之何也

一行傳

鄭遨

遨與李振故善振後事梁貴顯欲以祿遨遨不顧後振得罪南竄遨徒步千里往視之

謹按全祖望曰據李振傳在唐時嘗自金吾將軍出爲台州刺史非以罪竄然亦未嘗之任而卽以其時去投梁今云仕梁後南竄謬也愚按此本薛史本傳然薛史自誤

唐六臣傳

謹按張昺云六人者爲唐大臣挈國而輸之賊北面

而事之爲史者從而正其罪何所不可但其書謂之
五代史記而中有一卷忽謂之唐唐非五代也雖不
云爾尙可以貶辱也班書有後漢事范史有前漢事
未以爲若因及之雖越數代猶爲無害但立名標卷
事似難行何焯謂此論頗當惟宋史書周三臣則得
闡幽之道又當通其例之變也

唐天祐三年梁王欲以夔吏張廷範爲太常卿

謹按新舊唐書裴贇等之貶死俱在天祐二年此誤
作三年下云明年唐帝遜位于梁則又踵此而誤也

三才圖會卷三
張文蔚

昭宗遷洛拜中書侍郎同中書門下平章事

謹按新舊唐書帝紀宰相表及張昺傳文蔚入相在天祐二年惟薛史本傳作天祐元年而此仍之疑誤

薛貽矩

薛貽矩字熙用河東聞喜人也

謹按唐人每稱河東聞喜然唐之河東郡卽河中府而聞喜縣自屬絳州此其誤又不特不係州而係郡也裴迪傳同

義兒傳

李嗣昭

本姓韓氏汾州太谷縣民家子也

謹按唐宋地里志太谷縣俱屬并州此疑誤

天祐三年與周德威攻梁潞州

謹按本紀克用謂天祐非唐號不可稱乃仍稱天復
梁滅唐克用復稱天祐四年則是年當稱天復六年
莊宗爲契丹圍之數十里

謹按里當作重

五代史記纂要卷三
嗣本

契丹入代北攻破蔚州嗣本戰歿

謹按本紀作契丹寇蔚州執振武節度使李嗣本契
丹附錄同俱與此異

存孝

康君立素與存信相善方二人之交惡也君立每左右
存信以傾之

謹按敬齋古今註云歐公因存信傳已用交惡二字
故疊用之以爲閒無他事但舉二人則知其爲存信

與存孝其實二人各自爲傳文勢不當如此

存進

唐軍皆降於從珂獨漢韶與虔釗軍不降

謹按王思同傳興元張虔釗攻城西督戰甚急士卒
苦之反兵攻虔釗楊思權傳亦云士卒反兵逐虔釗
諸鎮之兵皆潰然則獨漢韶與虔釗不降耳此軍不
降之軍字衍

宦者傳

漢瓊西迎廢帝于潞

三才圖會卷三
謹按通鑑云漢瓊至澠池西潞王命斬于路隅此潞
字當是路字之誤

雜傳

王鎔

景福元年乃大舉擊趙下臨城明年晉會王處存攻鎔
堅固新市

謹按唐紀晉取臨城在大順二年其明年晉會王處
存攻鎔乃爲景福元年舊唐書昭宗紀王鎔傳竝同
此疑誤

館于梅子園

謹按夢溪筆談云鎮陽池苑之盛甲于諸鎮乃王鎔時海子園也鎮人矜大其池謂之潭園蓋不知昔嘗謂之海子矣知此梅字誤也

開平四年冬遣供奉官杜延隱監魏博將夏諲以兵三千襲深冀二州以王景仁爲北面行營招討使鎔懼乞兵於晉晉人擊敗景仁於柏鄉梁遂失鎮定鎔德晉甚明年會莊宗於承天軍

謹按唐紀天祐八年正月敗梁軍於柏鄉七月會趙

王鎔於承天軍梁紀亦書乾化元年正月王景仁及
晉人戰於柏鄉蓋乾化元年卽開平四年之明年而
晉之天祐八年也此誤

天祐十八年冬鎔自西山宿鵲營莊將還府

文多不錄親軍

皆懼文禮誘以爲亂夜半親軍千餘人踰垣而入斬鎔
首袖之而出

謹按唐紀張文禮殺王鎔在十八年正月梁紀亦作
龍德元年春薛史梁唐紀俱作十八年二月而鎔傳
作冬十二月此仍其誤

羅紹威

幽州劉仁恭以兵六十萬攻魏屠其城

謹按劉守光傳仁恭父子率兩鎮兵十萬號稱三十

萬以擊魏屠貝州

葛從周傳亦作屠貝州

舊唐書羅威傳新書

紹威傳劉仁恭傳竝同此六字衍而攻魏下又脫貝

州二字

王處直

後徙鎮海而卒

謹按鎮海軍在杭州考薛史王庭允傳作改滄州節